



**SAVEZ SJEDUĆE ODBOJKE
BOSNE I HERCEGOVINE**

**ASSOCIATION OF SITTING VOLLEYBALL
OF BOSNIA AND HERZEGOVINA**

***PROPOZICIJE TAKMIĆENJA U PREMIJER I PRVOJ LIGI BOSNE I
HERCEGOVINE U SJEDUĆOJ ODBOJCI***

Sarajevo, Septembar.2025. godine

Na osnovu člana 2. Pravilnika o takmičenju SSO BiH, Upravni odbor SSO BiH na sjednici održanoj danagodine usvojio je izmjene i dopune Propozicija takmičenja Premijer lige i Prve lige Sjever/Jug SSO BiH za takmičarsku sezonu 2025/2026.godine.

PROPOZICIJE TAKMIČENJA PREMIJER I PRVE LIGE SSO BiH

1. OSNOVNE ODREDBE

- 1.1. Takmičenje, prvenstvo Bosne i Hercegovine u sjedećoj odbojci sprovodi se u okviru Premijer lige, Prve lige Sjever i Prve lige Jug za muškarce.
- 1.2. Takmičenje Premijer i Prvih lige sprovodi se po dvostrukom bod sistemu, u dvije polusezone, jesen - proljeće.
- 1.3. Nazivi klubova učesnika, način utvrđivanja konačnog plasmana, napuštanje i popune liga navedeni su u Aneksu Propozicija.
- 1.4. Takmičenje se sprovodi na osnovu Pravilnika o takmičenju SSO BiH, a u skladu sa Pravilima igre Međunarodne Odbojkaške Federacije WPV, Pravilnikom o registraciji osnovnih organizacija i članova SSO BiH, Disciplinskim pravilnikom i ovim Propozicijama.
- 1.5.1. U takmičenju po bod sistemu za pobjede 3:0 i 3:1 ekipa dobija TRI (3) boda, u slučaju rezultata 3:2 pobjednička ekipa dobiva DVA (2) boda, a poražena ekipa JEDAN (1) bod, a za poraz 1:3 i 0:3 NULA (0) bodova.
- 1.5.2. Plasman se utvrđuje na osnovu broja osvojenih bodova. Pobjednik je ekipa koja osvoji najviše bodova. U slučaju jednakog broja bodova o plasmanu odlučuje bolji količnik u setovima, odnosno poenima ako je količnik u setovima jednak.
- 1.5.3. Prvoplasirane ekipe iz dvije Prve lige ulaze u Premijer ligu
- 1.5.4. Dva posljednje plasirana iz Premijer lige ispadaju u Prvu ligu Sjever/Jug po jedan u svaku uz Odluku u Aneksu Propozicija.

2. RUKOVOĐENJE TAKMIČENJEM

- 2.1. Takmičenjem rukovodi Upravni odbor SSO BIH preko Takmičarske komisije.
- 2.2. U cilju smanjenja troškova predsjednik Takmičarske komisije je ujedno i Komesar lige. U okviru svojih nadležnosti Komesar lige SSO BiH:
 - a.) rukovodi, koordinira i sprovodi takmičenje u svim njegovim fazama u skladu sa dokumentima iz člana 1.,
 - b.) vrši registraciju utakmica,
 - c.) donosi odluke o žalbama u prvom stepenu,
 - d.) izriče mandatne kazne predviđene Propozicijama,
 - e.) prikuplja dokaze o disciplinskim prekršajima i podnosi Disciplinskoj komisiji prijedlog za pokretanje disciplinskog postupka,
 - f.) izriče mjere automatske suspenzije terena, klubova, igrača, trenera, sudija, delegata-kontrolora i ostalih učesnika u takmičenju,
 - g.) stara se o realizaciji zaključaka i odluka Upravnog odbora, Disciplinske komisije SSO BiH,
 - h.) odobrava izmjenu termina utakmica po sporazumu klubova,
 - i.) odlučuje o terminima utakmica i klubova učesnika zvaničnih međunarodnih takmičenja,
 - j.) vodi evidenciju kažnjenih učesnika u takmičenju,
 - k.) dostavlja obavijesti o delegiranju službenih lica,
 - l.) izdaje tabele liga sa rezultatima, plasmanom, izrečenim disciplinskim i drugim mjerama i ostalim informacijama iz domena takmičenja kojim rukovodi,
 - m.) u skladu sa Propozicijama i drugim propisima iz člana 1.4. rješava i sva druga pitanja iz domena administracije i organizacije takmičenja.
 - n.) delegira kontrolore utakmica ili lično prisustvuje.

- 2.3. Kao organ Upravnog odbora SSO BiH, Takmičarska komisija ima slijedeće nadležnosti:
- a.) priprema prijedlog Propozicija,
 - b.) na osnovu izvještaja Komesara prati tok takmičenja i daje upute za njegovo poboljšanje,
 - c.) odlučuje o žalbama u prvom stepenu,
 - d.) na osnovu izvještaja Komesara izvještava Upravni odbor SSO BiH o toku i problematici takmičenja,
- 2.4. Kao organ koji preko Takmičarske komisije rukovodi takmičenjem, Upravni odbor SSO BiH:
- a.) na osnovu izvještaja Takmičarske komisije prati takmičenja, daje upute i donosi odluke iz svoje nadležnosti,
 - b.) odlučuje o žalbama u drugom stepenu, a njene odluke su konačne,
 - c.) donosi odluke o pokretanju postupaka za zaštitu zakonitosti,
 - d.) Donosi i usvaja prijedlog za izmjene sistema takmičenja i drugih normativnih akata iz domena njegove nadležnosti.
 - e.) u slučaju neadekvatnog djelovanja Takmičarske komisije Upravni odbor predlaže pokretanje odgovarajućih postupaka kod nadležnih organa.

3. UČESNICI U TAKMIČENJU

- 3.1. Klubovi učesnici u takmičenju Premijer lige, Prve lige Sjever i Jug navedeni su u Anexu
- 3.2. Klubovi koji su stekli pravo učešća u takmičenju dužni su najkasnije trideset dana prije početka takmičenja dostaviti prijavu za učešće i :
- a.) tačnu adresu kluba za prijem pošte sa imenom ovlaštenog lica, brojem njegovog telefona i faxes u stanu i na radnom mjestu i email adresu.,
 - b.) ime i adresu predsjednika, sekretara i trenera kluba sa brojem telefona i faxes u stanu i na radnom mjestu i email adresu,
 - c.) tačan naziv i adresu dvorane sa brojem telefona u kojoj će igrati svoje utakmice kao domaćin,
 - d.) boju dresova u kojoj će nastupati kao domaćin,
 - e.) prijavu učešća na domaćim i turnirima u inostranstvu sa tačnim datumom i mjestom.
- 3.3. Domaćin ima prednost izbora boje dresova iz okvira prijavljenih i o tome je dužan obavijestiti gostujuću ekipu prilikom obavještanja o terminu utakmice.

4. ORGANIZACIJA UTAKMICA

- 4.1. Utakmice se mogu igrati samo u dvoranama koje odgovaraju tehničkim normativima predviđenim Pravilnikom o takmičenju SSO BiH i koje su kao takve odobrene od Takmičarske komisije. U Prvim ligama Sjever i Jug slobodan prostor oko igrališta najmanje 2,5 /dva metra i pedeset centimetara/ bez bilo kakvih prepreka, a u vezi s tim prostor za igrače, zapisnički sto, gledaoci se može nalaziti samo iza slobodnog prostora./za Premier ligu ostaje 3/tri/metra
- 4.2. Organizaciju utakmice sprovodi klub domaćin koji je odgovoran za red u dvorani, obezbjeđenje svih propisanih uređaja i pribora i funkcionisanje svih instalacija.
- 4.3. Na trideset minuta prije početka utakmice dvorana mora biti u potpunosti spremna za odigravanje utakmice u skladu sa Pravilnikom takmičenja.
- 4.3.1 Delegat odnosno prvi sudija odlučuje o sposobnosti dvorane i uređaja gdje treba da se odigra utakmica.
- 4.4. Najkasnije 45 minuta prije početka utakmice domaćin je dužan pored spremne sale sa svim tehničkim uređajima učiniti i slijedeće:
- 4.4.1. Istaći državnu zastavu. Bez istaknute zastave utakmica se ne može igrati.

- 4.4.2. Isticanje stranačkih zastava nije dozvoljeno.
- 4.4.3. Stubove za mrežu ugrađene u pod čiji nosači ne smiju predstavljati opasnost od povrede. Stubovi moraju biti obloženi spužvastom materijom, a na mreži antena visine 80 cm.
- 4.4.4. Zapisnički stol.
- 4.4.5. Klupe za rezervne igrače.
- 4.4.6. Temperaturu u dvorani najmanje 10, najviše 28 stepeni Celzusa.
- 4.4.7. Svjetlost od najmanje 500 luxa.
- 4.4.8. Elektronski ili ručni semafor za pokazivanje rezultata.
- 4.4.9. Komplet za prvu medicinsku pomoć (koja je obavezna u automobilu).
- 4.4.10. Redarsku službu. Redari moraju posjedovati uočljiva obilježja.
- 4.4.11. Dvanest ispravnih lopti Molten M5V 5000 i tri ispravne lopte za igru Molten M5V 5000.
- 4.4.12. Najmanje trojica dodavača lopti.
- 4.4.13. Dva brisača terena sa odgovarajućim priborom.
- 4.4.14. Važeći međunarodni zapisnik.
- 4.4.15. Listu za prijavu igrača, trenera, ljekara i listić za prijavu početne postave ekipe.
- 4.4.16. Visinomjer za mrežu.
- 4.4.17. Obezbijediti prisustvo dežurnog ljekara ili medecinara ili ekipe prve pomoći Crvenog krsta/križa.
- 4.4.18. Dežurno lice koje se ispred domaćina stara o obezbijeđenju potrebnih uslova u dvorani i po potrebi stavlja na raspolaganje delegatu ili prvom sudiji. Ovo lice mora imati zvanično obilježje – akreditaciju kluba domaćina.
- 4.4.19. Prijaviti nadležnim organima odigravne utakmice.
- 4.4.20. Zastavice za linijske sudije.
- 4.5. Pored uslova iz predhodne tačke, klub domaćin dužan je:
 - 4.5.1. Najmanje šezdeset minuta prije početka utakmice staviti na raspolaganje normalno zagrijane svlačionice za sudije i gostujuću ekipu, ako postoje takvi tehnički uslovi u dvorani za odigravanje utakmice.
 - 4.5.2. Obezbijediti posebnu prostoriju za obavljanje administrativnih poslova delegata (sačinjavanje protokola, uzimanje izjava i dr).
 - 4.5.3. Odmah po odigranoj utakmici faxom, email-om ili telefonski obavijestiti Komesara lige o rezultatu utakmice po setovima i poenima i eventualnoj žalbi.
- 4.6. Za vrijeme trajanja utakmice zabranjeno je pušenje u sali.
- 4.7. Gledalac koji ometa normalno odvijanje utakmice, vrijeđa igrače ili službena lica, odbija da se povinuje zabrani iz predhodnog stava, ili na bilo koji drugi način vrši pritisak na igrače ili službena lica bit će odstranjen iz dvorane.
- 4.8. Ukoliko organizator nije izvršio sve tehničke pripreme za početak utakmice, delegat-kontrolor ili prvi sudija će odrediti vrijeme trajanja da se propusti i nepravilnosti otklone.
- 4.9. Ukoliko se nedostaci ne otklone u roku, a nisu rezultat ili posljedica više sile, delegat ili prvi sudija će donijeti odluku o neodigravanju utakmice. Odluka o neodigravanju utakmice i razlozi zbog kojih je donešena unose se u zapisnik koji potpisuje delegat – kontrolor ili prvi i drugi sudija i zvanični predstavnici obje ekipe.
- 4.10. Višom silom smatraju se smetnje izazvane elementarnim nepogodama, udar groma, nedostatak električne energije na širem području, poplava i sve što je zakonom propisano kao viša sila.
- 4.11. Ako je u dvorani temperatura niža od 10 ili viša od 28 stepeni Celzusa ili svjetlost slabija od 500 luxa, delegat – kontrolor ili prvi sudija će ostaviti domaćinu vrijeme od trideset minuta da otkloni nedostatke i stvori normalne uslove za odigravanje utakmice.
- 4.12. Ukoliko zbog propusta domaćina uslijedi kasniji početak utakmice sa

posljedicom kašnjenja gostujuće ekipe i gubitak saobraćajnih veza za povratak, domaćin je dužan za sve članove gostujuće ekipe unesene u zapisnik, dva trenera, ljekara, fizioterapeuta i vođu puta obezbijediti troškove noćenja i po jednu službeno priznatu dnevnicu. U zapisnik se unosi činjenica da je utakmica kasnila i koliko, a obaveza domaćina je regulisana ovim Propozicijama.

- 4.13. Ekipe domaćini dužne su pismeno obavijestiti gostujuću ekipu, službena lica i Takmičarsku komisiju o tačnom mjestu odigravanja utakmice i vremenu njenog početka najkasnije do utorka 16,00 sati..
- 4.14. Gostujući klub je dužan doći u mjesto odigravanja utakmice najmanje 30 minuta prije početka utakmice i preko vođe puta ili trenera obavijestiti delegata – kontrolora ili prvog sudiju suđenja o vremenu dolaska. U protivnom snosi sve takmičarske i druge posljedice kašnjenja na utakmicu.
- 4.15. U slučaju da ne dobije obavijest o vremenu i mjestu odigravanja utakmice od domaće ekipe, gostujuća ekipa je dužna sa Komesarom utvrditi vrijeme početka i blagovremeno doputovati na mjesto njenog odigravanja.
- 4.16. Domaćin je dužan gostujućoj ekipi i službenim licima rezervisati smještaj ili pomoći oko rezervisanja smještaja ukoliko to oni od njega zatraže pismeno najmanje pet dana prije zakazanog termina utakmice. Troškovi smještaja plaća gostujuća ekipa kao i službena lica po osnovu izdatog računa.

5.VRIJEME ODIGRAVANJA UTAKMICE

- 5.1. Utakmice redovnih kola igraju se subotom i nedeljom od 10.00 do 16.00 sati, a subotom samo uz saglasnost gostujuće ekipe, a ekipama sa drugih kantona nemože se utakmica zakazati prije 12.00 sati.
- 5.1.2. Utakmice koje se igraju radnim danima počinju između 16.00 i 20.00 sati uz obavezan dogovor između ekipe domaćina i gostujuće ekipe.
- 5.2. Ukoliko se utakmice klubova koji učestvuju na zvaničnim međunarodnim takmičenjima kao Evropsko klupsko takmičenje, Međunarodni turniri u kalendaru PVE poklapaju sa terminima redovnih kola liga, prvenstvene utakmice ovih klubova igraju se prije narednog redovnog kola. Ako to nije moguće utakmica će se odgoditi i odigrati najkasnije do kraja prvog vikenda po završetku jesenjeg/proljetnog dijela takmičenja.
- 5.3. Zahtjevi za pomjeranje vremena početka utakmice moraju se podnijeti pismeno Komesaru liga najmanje 5 dana prije odigravanja utakmice.
- 5.4. Komesar može odobriti promjenu termina utakmice samo pod uslovom da se ona odigra prije narednog kola.
- 5.5. Radi regularnosti takmičenja sve utakmice u kojim se direktno odlučuje o plasmanu u posljednja dva kola moraju se odigrati nedeljom sa početkom u 12.00 sati. A u slučaju korištenja iste sale, dvije ekipe su dužne odigrati prvu utakmicu sa početkom u 12.00 sati, a drugu odmah po završetku prve, prvu utakmicu igra ekipa čija utakmica odlučuje o plasmanu.
- 5.6. U slučaju da dobije obavijest o vremenu i mjestu odigravanja od ekipe domaćina, gostujuća ekipa je dužna zatražiti od Komesara lige da utvrdi vrijeme početka odigravanja utakmice, pri čemu je neophodno voditi računa da gostujuća ekipa ima na raspolaganju dovoljno vremena da doputuje u mjesto odigravanja utakmice

6.PRAVO NASTUPA IGRAČA

- 6.1. Na utakmicama muške lige mogu nastupiti samo licencirani igrači sa urednom Takmičarskom legitimacijom i ovjerenim ljekarskim pregledom koji ne može biti stariji od 12 mjeseci. Najviše 12 igrača + najviše 2 libera, ukoliko je libero NA može mijenjati samo NA ili VS2, VS2 i VS1, VS1, libero može biti kapiten, oba libera mogu biti u dresovima različite boje.

- 6.2.1. Treneri ekipa mogu biti isključivo lica koja ispunjavaju uslove iz Pravilnika o organizaciji i licenciranju trenera i koji posjeduju odgovarajuću licencu koju izdaje Komisija za trenere SSO BiH.
- 6.2.2. Za prisustvo na klupi trenera bez licence odgovorni su klub i delegat.
- 6.3.1. Za obavljanje svojih dužnosti sa klupe za rezervne igrače ljekar i fizioterapeut moraju imati licencu koju izdaje Zdravstvena komisija SSO BiH.
- 6.3.2. Za prisustvo na klupi za rezervne igrače ljekara i fizioterapeuta bez odgovarajuće licence, odgovorni su klub i delegat.
- 6.4.1. Za vrijeme trajanja utakmice za zapisničkim stolom mogu sjediti delegat suđenja, zapisničar, dežurni ljekar susreta, rukovalac semafora ako je elektronski i rukovalac razglasa ako postoji.
- 6.4.2. Za vrijeme trajanja utakmice na klupi za rezervne igrače mogu se nalaziti igrači prijavljeni u zapisniku, prvi i drugi trener, ljekar i fizioterapeut.
- 6.4.3. Lica koja imaju pravo sjediti na klupi za rezervne igrače obavezna su nositi sportsku odjeću.
- 6.4.4. Delegat – kontrolor ili prvi sudija suđenja dužan je preuzeti mjere da se odstrane lica koja ne ispunjavaju uslove uz stava 4.2. ovog člana.
- 6.5.1. Oprema igrača mora odgovarati odredbama Pravila igre. Svi igrači jedne ekipe moraju imati jednoobraznu opremu (dresovi i trenerke/šorceve za igru).
- 6.5.2. Majice/dresovi igrača moraju biti označene brojevima od 1 do zaključeno 99. Brojevi moraju se nalaziti na sredini prsa i leđa.
- 6.5.3. Brojevi moraju biti kontrastno obojeni u odnosu na majice (dresove), veličine-visine najmanje 15 cm na prsima i 20 cm na leđima. Traka kojom su brojevi ispisani mora biti širine najmanje 2 cm.

7. DELEGATI SUĐENJA I SUDIJE

- 7.2. Za sve utakmice Premijer i prve lige, komisija za suđenje SSO BiH putem Komesara za delegiranje Sudijske komisije određuje delegata suđenja, prvog i drugog sudiju i sva službena lica delegira SSO BiH. Delegati – kontrolor ili prvi sudija suđenja su dužni doći u dvoranu i uspostaviti kontakt sa domaćinom najmanje 60 minuta prije zakazanog početka utakmice.
 - 7.2.1. Delegat – kontrolor ili prvi sudija suđenja svoju funkciju obavlja na osnovu člana 7.1. do člana 7.6.
 - 7.2.2. U cilju smanjenja troškova dužnost delegata obavljat će prvi sudija susreta, koji je obavezan na kroju utakmice uz Zapisnik i Protokol dati svoje mišljenje i ocjenu o radu drugog sudije i to od ulaska do izlaska iz sale/dvorane i dostaviti predsjedniku Takmičarske komisije SSO BiH.
- 7.3.1. Sudije su obavezne da se u kompletnoj sudijskoj uniformi prijave predstavnicima klubova najmanje 60 minuta prije zakazanog početka utakmice i predoče akt o delegiranju sa svim ostalim neophodnim dokumentima za suđenje i računa za uplatu troškova suđenja.
- 7.3.2. Ukoliko određeni prvi sudija ne dođe na utakmicu, zamjenit će ga drugi sudija. Drugog sudiju može zamjeniti sudija najmanje saveznog ranga koji je prisutan u sali, uz obostranu saglasnost klubova koja se prije početka utakmice konstatuje u zapisniku potpisom oba kapitena.
- 7.3.3. Ukoliko nema odgovarajućeg sudije u sali, prvi sudija će sam suditi utakmicu uz pismenu saglasnost obje ekipe.
- 7.3.4. Ako na utakmice ne dođe niti jedan od delegiranih sudija, utakmica će se odgoditi, a sudije će biti skinute sa liste sudija do kraja sezone, ukoliko nedolazak ne bude opravdan (elementarne nepogode, smrtni slučaj, bolest, saobraćajni udes...).
- 7.4. Po završetku utakmice kapiteni obje ekipe potpisuju zapisnik i u njega unose eventualne primjedbe ili najavljuju žalbu ako su je blagovremeno najavili u toku utakmice. Zapisnik se vodi u tri primjerka, po jedan za svaku ekipu i jedan za potrebe Takmičarskih organa.
- 7.5. Delegatu suđenja, prvom i drugom sudiji, zapisničaru i linijskim sudijama pripada naknada

troškova prevoza, troškova noćenja, taksa ,putna dnevnicu u zavisnosti od provedenog vremena na putu i sudijska naknada u skladu sa posebnim Pravilnikom ili Odlukom koju odobrava i donosi Upravni odbor SSO BiH.

- 7.6. Isplata naknade iz predhodnog stava vrši se poslije utakmice na žiro račun službenih lica, a najkasnije u roku od 48 sati po završetku utakmice uz potpisan ugovor o djelu i predočenje odgovarajuće dokumentacije i uz paragraf prvog sudijske delegata - suđenja.

8. ŽALBENI POSTUPAK

- 8.1.1. Na utakmicu i njen rezultat, primjenu Pravila i Pravilnika dozvoljena je žalba.
- 8.1.2. Žalba se najavljuje u zapisniku ako je predhodno najavljena u toku utakmice.
- 8.1.3. Žalba na činjenice poznate prije utakmice najavljuje se prije početka utakmice.
- 8.2. Žalba na tok i rezultat utakmice, primjenu Pravila i Propozicija najavljuje se, uz kraće obrazloženje, uz zapisnik prilikom potpisivanja zapisnika ako je predhodno najavljena u toku utakmice.
- 8.3. Pismeno obrazloženje žalbe na tok utakmice i dokaz o izvršenoj uplati takse moraju se dostaviti Komesaru lige (predsjedniku Takmičarske komisije) najkasnije 48 sati po odigranoj utakmici, isto važi i za žalbu na Odluku.
- 8.4. Najavljena žalba bez obrazloženja i uplate propisane takse neće se razmatrati, odnosno, smatrat će se da se od nje odustalo.
- 8.5. Taksa na žalbu prvom stepenu iznosi 100,00 KM, a u drugom stepenu 200,00 KM.
- 8.6. Prvostepeni organ za rješavanje žalbe je Takmičarska komisija koja donosi odluku o žalbi najkasnije 8 dana od dana njenog prijema. Na odluku Takmičarske komisije, u roku od 8 dana od dana prijema rješenja može se uložiti žalba drugostepenom organu Upravnom odboru SSO BiH.
- 8.7. Drugostepeni organ je dužan riješiti žalbu najkasnije u roku od 10 dana od dana prijema.
- 8.8. Odluka drugostepenog organa je konačna i protiv nje nema mjesta žalbi u redovnom postupku.
- 8.9. Ako je žalba usvojena uplatna taksa se vraća.
- 8.10. Ekipa koja uputi Prigovor i smatra da nije poštovan član 12. stav 12.4. ista ne uplaćuje taksu, ali je obavezana u roku 48 sati dostaviti pisano obrazloženje.

9.TROŠKOVI TAKMIČENJA

- 9.1. Svi troškovi sudijske takse će biti regulisani odlukom UO SSO BiH.
- 9.2. Svi klubovi su dužni uplatiti kotizaciju i članarinu koja će biti regulisana odlukom UO SSO BiH.
- 9.3. Uplatu obaveza kotizacije i članarine klubovi su dužni uplatiti u dvije rate i to:
I rata 50% iznosa 15 dana prije početka jesenjeg dijela takmičenja
II rata 50% iznosa 15 dana prije početka proljtnog dijela takmičenja
- 9.4. Klub koji ne uplati kotizaciju i članarinu u 50% iznosu 15 dana prije početka sezone ne može nastupiti na takmičenju.
- 9.5. Od uplata kotizacije i članarina učesnika takmičenja formira se fond zajedničkih troškova Premijer i Prve lige koji služi za pokriće:
a.) troškova izdavanja Biltena,
b.) troškova poštanskih usluga – telefon, fax, poštarine i dr. koji se odnose na takmičenje saveznih liga,
c.) troškove kancelarijskog materijala i birotehničkih usluga za sve poslove liga i Komisije za suđenje,

- d.) nabavku pehara, medalja, diploma i zahvalnica,
- e.) troškove nadoknade za rad Komesara i tehničkog sekretara, grafičkog dizajnera, vođenje Web, Facebook, instagram i drugih stranica za potrebe takmičenja u okviru SSO BiH.

10.KAZNE NE ODREDBE

- 10.1. Prekršaj Pravilnika o takmičenju SSO BiH, Propozicija o takmičenju i Disciplinskog pravilnika podliježu disciplinskoj odgovornosti prema Disciplinskom pravilniku i izricanju mandatnih kazni ovim Propozicijama.
- 10.2. Komesar lige prikuplja dokaze za vođenje postupka, a disciplinski postupak vodi Disciplinska komisija SSO BIH.
- 10.3. Komesar lige sprovodi disciplinski postupak, izriče mandat na kazne za prekršaje učinjenih prilikom takmičenja i povrede Pravila i Propozicija i drugih normativnih akata o takmičenju.
- 10.4. Za povredu ovih Propozicija koje sprovodi Komesar lige, klub ili pojedinac će biti kažnjen slijedećim kaznama:
 - 10.4.1. Za nedolazak na utakmicu za koju je određen, za previd greške prilikom kontrole Takmičarskih legitimacija igrača ili licenci trenera, ljekara ili fizioterapeuta, parcijalna primjena Pravilnika o suđenju, raniji početak utakmice u odnosu na zakazani termin kaznit će se službeno lice sa 1 do 4 utakmice zabrane obavljanja dužnosti na utakmicama.
 - 10.4.2. Za nedolazak na utakmicu za koju je delegiran pa se utakmica odloži, kaznit će se skidanjem sa liste do kraja prvenstva.
 - 10.4.3. U slučaju da se na vrijeme neobavijesti gostujući klub, službena lica i Komesar lige o vremenu i mjestu odigravanja utakmice, ili ih uopšte neobavijesti, klub će biti kažnjen sa 100,00 KM.
 - 10.4.4. Za crveni karton dodijeljen nekom od učesnika u takmičenju klub se kažnjava sa 50,00 KM.
 - 10.4.5. Za crveni i žuti karton dodijeljen u jednoj ruci dodijeljen nekom od učesnika, njegov klub se kažnjava sa 100,00 KM.
 - 10.4.6. Za crveni i žuti karton dodijeljen nekom od učesnika takmičenja jedan u jednoj drugi u drugoj ruci klub kažnjava se klub sa 150,00 KM.
 - 10.4.7. Nakon dobijenog drugog crvenog kartona (uzastopno na tri vezane utakmice brisati) u takmičarskoj sezoni učesnik koji ga je dobio automatski ne može nastupiti u narednom kolu, a njegov klub se kažnjava sa 100,00 KM, ako u zadnjem kolu takmičarske sezone dobije drugi crveni karton prenosi se u narednu takmičarsku sezonu i nema pravo nastupa na prvoj utakmici za koju bude prijavljen.
 - 10.4.8. Učesnik u takmičenju koji bude isključen do kraja seta dva puta uzastopno u dvije vezane utakmice (žuti i crveni karton zajedno u jednoj ruci) automatski se suspenduje i kažnjava sa dvije utakmice neigranja a klub se kažnjava sa 100 KM.
 - 10.4.9. Igrač koji dobije crveni i žuti karton jedan u jednoj drugi u drugoj ruci klub automatski se suspenduje i protiv njega se pokreće disciplinski postupak.
 - 10.4.10. Za neispunjene obaveze iz člana 4.4.1. klub domaćin se kažnjava novčano:

4.4.1. 100,00 KM	4.4.8. 200,00 KM	4.4.15. 100,00 KM
4.4.2. 100,00 KM	4.4.9. 100,00 KM	4.4.16. 100,00 KM
4.4.3. 150,00 KM	4.4.10. 100,00 KM	4.4.17. 100,00 KM
4.4.4. 150,00 KM	4.4.11. 100,00 KM	4.4.18. 100,00 KM
4.4.5. 100,00 KM	4.4.12. 100,00 KM	4.4.19. 50,00 KM

4.4.6. 100,00 KM	4.4.13. 100,00 KM	4.4.20. 100,00 KM
4.4.7. 200,00 KM	4.4.14. 150,00 KM	4.4.21. 200,00 KM

Tačke od 4.4.1. do tačke 4.4.21. su regulisane Odlukom Uraavnog odbora.

- 10.5. Za neispunjene obaveza iz člana 4.5. organizator utakmice, odnosno klub domaćin će se kazniti:
- 4.5.1. – 100,00 KM
 - 4.5.2. – 50,00 KM
 - 4.5.3. – 100,00 KM
- 10.6. Ekipa koja svojim ponašanjem izazove prekid utakmice automatski će esuspendovati i protiv nje pokrenuti disciplinski postupak, a utakmica registrovati službenim rezultatom 3 : 0 u korist protivnika.
- 10.7. U slučaju upada gledalaca na teren organizator utakmice odnosno klubu domaćinu će se izreći novčana kazna u iznosu od 500,00 KM, a pokrenut će se i disciplinski postupak, a teren automatski suspendovati.
- 10.8. Neizvršavanje finansijskih obaveza i uplate novčanih kazni povlači automatsku suspenziju i pokretanje disciplinskog postupka prema Disciplinskom pravilniku SSO BiH.
- 10.9. U slučaju registracije utakmice službenim rezultatom, klub se automatski kažnjava sa oduzimanjem 1 (jednog) boda.
- 10.10. Za neispunjavanje osnovnih uslova za odigravanje utakmice (a po protokolu za odigravanje utakmice) kažnjava se propisanim kaznama.
- 10.11. Igrač koji bez saglasnosti matičnog kluba, odnosno kluba za koji je urednom registrovan nastupi za drugu ekipu ili paralelno nastupa za dva kluba automatski se suspenduje i protiv istog se pokreće disciplinski postupak.
- 10.12. Na sve odluke Komesara takmičenja žalbeni rok je 48 (četrdeset osam) sati.

11. REGISTRACIJA UTAKMICE SLUŽBENIM REZULTATOM

- 11.1. Utakmica će se registrovati službenim rezultatom 3:0 (25:0, 25:0, 25:0) ako:
- 11.1.1. Ako organizator utakmice i nakon datog roka nije otklonio propuste iz tačke 4.1.
 - 11.1.2. Ako gostujuća ekipa iz neopravdanog razloga ne doputuje, ili doputuje nakon zakazanog termina za odigravanje utakmice, a pod opravdanim razlozima podrazumijeva se spriječenost zbog više sile, duži zastoje u saobraćaju zbog saobraćajne nezgode, o čemu se mora blagovremeno informisati domaćin utakmice i komesar lige.
 - 11.1.3. Ako ekipa i pored poziva sudije odbije da igra utakmicu.
 - 11.1.4. Ako ekipa svojim postupcima izazove prekid utakmice ili napusti teren i odbije da igra utakmicu.
 - 11.1.5. Ako ekipa nastupi sa igračem koji nije pravilno registrovan, a registracija izvršena na osnovu netačnih podataka datih od strane igrača ili kluba.
 - 11.1.6. Ako ekipu vodi trener bez odgovarajuće licence koja se izdaje od nadležnog organa prije početka takmičarske sezone.
 - 11.1.7. Ako ekipa nastupi sa igračem ili trenerom koji se nalazi pod kaznom ili suspenzijom.
 - 11.1.8. Ako ekipa nastupi sa igračem koji nema uredan ljekarski pregled, ili je na ljekarskom pregledu proglašen nesposobnim za igru.
 - 11.1.9. Ako ekipa u potpunosti ne poštuje tačku 12. član 12.4.
 - 11.1.10. Ako se ekipa nalazi pod kaznom zabrane igranja .
- 11.2. Ako ekipa ne poštuje sve stavke člana 12, Pravo nastupa.
- 11.3. Ako ekipa domaćin zakaže utakmicu subotom ili radnim danom bez saglasnosti gotujuće ekipe ili ako ne zakaže utakmicu definisanu tačkom 5. Član 5.1. .
- 11.4. Ako ekipa nastupa sa igračem koji paralelno nastupa za drugi klub domaći/ino bez

saglasnosti organa SSO BiH.

- 11.5. O drugim slučajevima koji nisu predviđeni tačkom 11. odlučuje Komesar lige i Takmičarska komisija.
- 11.6. Ekipe koje načini prekršaj iz člana 11.1. do 11.5. automatski se suspenduje i protiv nje se pokreće disciplinski postupak .

12. PRAVO NASTUPA IGRAČA U SJEDEĆOJ ODBOJCI

- 12.1. Osobe sa invaliditetom, minimalno oštećenje i zdravi igrači.
- 12.2. Na utakmici Premijer lige i u istom momentu na terenu moraju biti najmanje tri igrača sa invaliditetom **VS1**, jedan igrač sa minimalnim oštećenjem **VS2** i najviše dva igrača potpuno sposobne **NA**.
- 12.3. Na utakmici Prve lige sjever/jug u istom momentu na terenu moraju biti najmanje dva igrača sa nvaliditetom **VS1**, i najviše dva igrača potpuno sposobna **NA**.
- 12.4. Sve ekipe učesnice takmičenja obavezne su na prednjim stranama takmičarske knjižice postaviti prozirnu traku-foliju:
VS1 - što označava igrača sa invaliditetom (**plava boja**)
VS2 - što označava igrača sa minimalni oštećenjem (**zelena boja**)
NA - što označava igrača potpuno zdravog (**žuta boja**).
- 12.5. Igračima koji imaju oštećenje ekstremiteta gornjih ili donjih sa procentom invalidnosti 60% ili više, kao i oštećenja ili gubitka vida sa procentom 60% ili više odobrava se status **VS1**. Dokaz za priznavanje statusa **VS1** je ovjerena kopija nalaza i mišljenja o invalidnosti izdata od nadležnog Organa uz prikazivanje istog originala, **VS2** su i igrači koji imaju od 20% do 50% tjelesnog ošećenja kao i igrači od 60% do 90% bez tjelesnog oštećenja, važeći dokazi samo rješenja Instituta za medecinsko vještačenje.
- 12.6. Prilikom izmjene mora se poštovati stav 12.3 iz propozicija takmičenja tj. da za vrijeme trajanja utakmice u istom momentu na terenu moraju biti najmanje **VS1** tri igrača sa invaliditetom , mogu biti najviše dva **NA** zdravi igrači, i najviše jedan igrač **VS2** sa minimalnim invaliditetom.
- 12.7. Ako ekipa Premijer lige nema **NA** igrača u ekipi, onda mogu nastupiti najviše 3 (tri) igrača **VS2**.
- 12.8. Ako ekipa Prve lige sjever/jug nema **NA** igrača u ekipi, onda mogu nastupiti najviše 4 (četir) igrača **VS2**.
- 12.7. Sve ekipe učesnice u takmičenju dužne su postupiti po Pravilniku o takmičenju, pravilima igre i Propozicija takmičenja.

13. PRELAZNE I ZAVRŠNE ODREDBE

- 13.1. Tumačenje ovih Propozicija daje Takmičarska komisija SSO BiH.
- 13.2. Usvajanjem ovih Propozicija stavljaju se van snage ranije donešene Odluke i Propozicije.
- 13.3. Propozicije stupaju na snagu i primjenjivat će se od dana usvajanja usvajanja na sjednici UO SSO BiH.

U Sarajevu, Septembar 2025.godine
Broj 28-97323

Predsjednik

Hajrudin Zekić